

文學叢書

魏
晉
五
家
詩
注

世界書局

魏三帝及阮步兵詩注 黃節撰

陸士衡詩注 郝立權撰 年譜 姜寅清撰

魏武帝文帝明帝詩注

三卷 目錄一卷

陸士衡詩注

四卷 序一卷 傳一卷 集說一卷
一卷 目次一卷 平復帖真蹟一楨 贊一卷

陸士衡年譜

世系表一卷 傳二卷 著述考一卷
陸機書法一卷 附錄一卷 軼事輯一卷

阮步兵詠懷詩注

六朝隋唐諸家論陸文語輯二卷
一卷 序一卷 傳一卷

世界書局

魏晉五家詩注 / (魏)曹操, (晉)陸機等撰.

--二版.--臺北市:

世界, 2009.09 印刷

面; 公分 (中國文化經典, 文學叢書)

ISBN 978-957-06-0360-6 (平裝)

851.324

98017443

〈中國文化經典 文學叢書〉

魏晉五家詩注

713-
1396

著者 / (魏)曹操、(晉)陸機等撰

發行人 / 閻初

發行者 / 世界書局股份有限公司

登記證 / 行政院新聞局局版臺業字第〇九三二號

地址 / 臺北市重慶南路一段九十九號

電話 / (〇二)一三二一—三三八三四

傳真 / (〇二)一三三二—七九六三

網址 / www.worldbook.com.tw

劃撥帳號 / 〇〇〇五八四三七 世界書局

出版日期 / 二〇一〇年六月二版四刷

定價 / 台幣四六〇元

◎版權所有・翻印必究

魏武帝詩注目錄

氣出唱三首……………三

度關山……………六

蒿里行……………九

陌上桑……………三

苦寒行二首……………七

善哉行二首……………三

却東西門行……………三〇

魏文帝詩注目錄

短歌行……………三

善哉行四首……………三

煌煌京洛行……………四

十五……………四

猛虎行……………四

臨高臺……………五

上留田行……………五

豔歌何嘗行……………五

精列……………五

薤露……………六

對酒……………二

短歌行三首……………三

秋胡行二首……………九

步出夏門行五首……………六

秋胡行三首……………四

丹霞蔽日行……………四

釣竿行……………五

折楊柳行……………四

燕歌行三首……………四

陌上桑……………三

大牆上蒿行……………三

月重輪行……………七

黎陽作三首……………五六

清河作……………六〇

魏明帝詩注目錄

短歌行……………六三

善哉行二首……………六四

月重輪行……………六六

權歌行……………七〇

燕歌行……………七三

於清河見挽船士新婚與妻別一首……………六九

長歌行……………七五

步出夏門行二首……………七六

苦寒行……………七九

樂府詩二首……………七一

猛虎行……………七五

氣出唱

宋書樂志。氣出唱相和之一。華陰山合歌一首。次歌遊君山。〔一〕

駕六龍。〔三〕乘風而行。〔三〕行四海外。路〔四〕下之八邦。〔五〕歷登高山。臨谿

谷。乘雲〔六〕而行。行四海外。東到泰山。仙人玉女。〔七〕下來遨遊。驂駕六龍。

飲玉漿。河水盡。不東流。〔八〕解愁〔九〕腹。飲玉漿。奉持行。東到蓬萊山。上至

天之門。〔一〇〕玉闕〔一一〕宋書作下。引見得入。赤松〔一二〕相對。四面顧望。視正焜

煌。〔一三〕開〔一四〕王〔一五〕心〔一六〕正興。其氣百道至。傳告無窮閉其口。但當愛氣壽萬

年。東到海。與天連。神仙之道。出竊入冥。〔一七〕常當專之。心恬澹無所。惕欲〔一八〕

閉門坐自守。天與期氣。〔一九〕願得神之人。乘駕雲車。〔二〇〕驂駕白鹿。〔二一〕上到

天之門。來賜神之藥。〔二二〕跪受之。敬神齊。〔二三〕當如此。道自來。

〔節注〕〔一〕馬融長笛賦序。吹笛。爲氣出精列相和。李善注引歌謠曰。古相和歌十八曲。氣出一。精列二。魏武帝集。有氣出精列二古曲。〔二〕易。時乘六龍以御天。〔三〕莊子。列子御風而行。泠然善也。〔四〕路。天路也。漢武帝車子侯歌。天路遠。無期。〔五〕八邦。猶八國也。呂覽。東夷八國。〔六〕韓非子。飛龍乘雲。〔七〕集仙錄。明星玉女者。居華山。服玉漿。〔八〕書禹貢。導沅水。東流爲濟。河水盡。不東流。謂河水有時而竭。喻年壽有時而盡也。〔九〕全篇言樂。惟此句之下言愁。〔一〇〕漢郊祀歌。天門開。詠蕩蕩。〔一一〕張衡天象賦。闢天牀於玉闕。乃宴休之飲御。〔一二〕史記張良傳。願乘人間事。從赤松子遊耳。〔一三〕愈就篇。色焜煌。注。言其光采盛也。〔一四〕開。歲星也。史記天官書。

數辟歲。歲陰在午。星居酉。以五月與胃、鼎、畢晨出。曰開明。炎炎有光。〔一〕王。天王星也。〔二〕心。心星也。史記天官書。東宮蒼龍。房、心。心爲明堂。大星、天王。前後星、子屬。〔三〕老子。竊兮冥兮。其中有精。〔四〕廢韻。揭。食也。揭欲。食欲也。〔五〕論衡。虎出有時。猶龍見有期也。出應其氣。氣動其類。〔六〕漢書郊祀志。文成百。上即欲與神通。宮室被服。非象神。神物不至。乃作畫靈車。〔七〕吟歎曲。王子喬。參駕白鹿雲中遊。〔八〕清調曲。董逃行。採取神藥若水端。〔九〕左傳杜注。齊。廟也。

〔朱嘉徵曰〕周詩燕歌。樂只君子。萬壽無期。相和曲用以侑食。有周雅之遺焉。紀六龍。言成王樂者。功德所本也。

〔朱乾曰〕嗚呼。魏武之心。漢武之心也。漢武求之外而失。魏武求之內而亦失。乾闥之。陰氣不盡不成仙。觀魏武一生。其處心積慮。皆陰氣也。陰氣不盡。而陽氣絕矣。分香奏技。瞻望西陵。孰爲哀哉。

華陰山。〔一〕自以爲大。高百丈。浮雲爲之蓋。〔二〕仙人欲來出。隨風列之雨。

吹我洞簫。〔三〕鼓琴瑟。何閭閻。〔四〕酒與歌戲。今日相樂誠爲樂。玉女〔五〕起。

起舞。〔六〕移數時。鼓吹一何嘈嘈。〔七〕從西北來時。仙道多駕烟。乘雲駕龍。鬱

何蕩蕩。〔八〕遨遊八極。乃到崑崙之山。〔九〕西王母側。神仙金止玉亭。〔一〇〕來者

爲誰。赤松王喬。乃德旋之門。〔二〕樂共飲食到黃昏。多駕合坐。萬歲長宜子孫。

〔節注〕〔一〕漢書地理志。京兆尹華陰縣。注。太華山在南。〔二〕關尹子。其高無蓋。蓋。覆也。〔三〕王褒洞簫賦。李善注。漢書音義如淳曰。洞者。通也。簫之無底者。故曰洞簫。〔四〕說文。閭。和悅也。重音之曰閭閻。〔五〕玉女。乃

華山峯名。〔六〕儻同舞。莊子。鼓歌以儻之。〔七〕王延壽魯靈光殿賦。耳嘈嘈以失聽。李善注。埤蒼曰。嘈嘈。聲衆也。〔八〕博雅。蕩。茂也。重音之曰蕩蕩。〔九〕山海經。赤水之後。黑水之前。有大山。名曰崑崙之丘。〔一〇〕廣韻。

止。停也。釋名。亭。停也。〔一〕漢書郊祀志。有司皆曰。陛下建漢家封禪。天其報德星云。注。德星即填星。旋與燕同。漢書律歷志。佐助旋璣。即璇璣。史記天官書。北斗七星。注。春秋運斗極云。斗第二璇。謂北斗之第二星爲

璇星也。又其南北兩大星曰南門。注。門明。則臣弑賢。門。謂南門星也。王引之曰。乃。猶且也。之。猶與也。詩言來者。謂所來之仙人。爲王喬赤松。且有德星璇星與門星也。

〔朱嘉徵曰〕歌華陰山。言王國多士。爲德來也。夫西嶽能全其高大。浮雲覆之。神仙能自致其風雨。故至德歸之。至德無虧。是謂德旋之門。〔節案〕朱氏以德旋爲至德歸之。亦又一說。

遊君山。〔一〕甚爲眞。確磈砢砢。〔三〕爾自爲神。〔三〕乃到王母臺。金階玉爲堂。〔四〕

芝草生殿旁。東西廂。客滿堂。主人當行觴。〔五〕坐者長壽遽何央。〔六〕長樂甫

〔七〕始宜孫子。當一作常願主人增年。與天相守。〔八〕

〔節注〕〔一〕山海經中山經。洞庭之山。帝之二女居之。水經注曰。是山湘君之所避處。故曰君山。漢武帝登之射蛟。〔二〕張衡南都賦。岸崇崒嶺。注。埤蒼曰。崒嶺。山不齊也。說文曰。崒嶺。山石崒嶺。高而不平也。崒嶺或作磈磈。

崒嶺或作砢砢。〔三〕水經注。洞庭之山。是多怪神。狀如人。而戴蛇。〔四〕又西山經。玉山。是西王母所居也。〔五〕禮記命酌曰。請行觴。〔六〕毛詩。夜未央。箋云。夜未央。猶言夜未盡央也。釋文。王逸注楚辭云。央。盡也。渠。其

據反。〔七〕漢魏歌曰。兔甘星盤樂甫始。玉篇。甫。始也。〔八〕重述行。陛下長與天相保守。

〔朱嘉徵曰〕歌遊君山。主人偏贊資旅。又資旅報上之辭也。

〔朱乾曰〕張華博物志云。君山上膏藥酒數斗。得飲者不死。〔節案〕據此篇觀之。則其事所傳遠矣。

精列

劉向九歎。精越裂而衰。王逸注。裂。分也。案。脫文。列。分解也。列爲裂之本字。宋書樂志相和之二。

厥初生。〔一〕造化之陶物。〔二〕莫不有終期。莫不有終期。聖賢不能免。〔三〕何爲

懷此憂。願螭龍之駕。〔四〕思想崑崙居。〔五〕思想崑崙居。見期於迂怪。〔六〕志

意在蓬萊。周孔聖祖落。〔七〕會稽以墳丘。〔八〕會稽以墳丘。陶陶〔九〕誰能度。

君子以弗憂。年之暮。奈何。時過時來微。〔一〇〕

〔節注〕〔一〕詩大雅。厥初生民。時維姜嫄。〔二〕後漢書。郭憚上書王莽曰。臣聞天地重其人。惜其物。故運機衡。垂日月。含元包一。甄陶品類。注。甄也者。陶人旋轉之輪也。言天地造化品物。如陶匠之成棄品者也。〔三〕古詩。萬

歲更相送。聖賢莫能度。〔四〕楚辭。駕螭龍兮馳騁。〔五〕山海經西山經。崑崙之丘。其神狀。虎身而九尾。人面而虎爪。是多怪鳥獸。〔六〕史記。劉衍乃深觀陰陽消息。而作怪迂之變。終始大業之篇。十餘萬言。〔七〕書。帝乃徂落。

爾雅。徂落。死也。〔八〕史記。帝禹東巡狩。至於會稽而崩。因葬焉。葬墳丘。首山陵也。今會稽有禹陵。〔九〕詩王風。君子陶陶。毛傳。陶陶。和樂貌。〔一〇〕時來微。謂來日無多也。

〔朱嘉徵曰〕精列。感時也。不感年往。所以弗憂。憂世不治。故以時過增歎。

〔朱乾曰〕列。分解也。言血肉之軀。終必散壞。雖周孔不免。今雖見期迂怪。志意蓬萊。然會稽墳丘。誰復能度。會前氣出篇。言神氣無時而亡。精血有時而壞。然則淮南之自刑。可曰兵解。魏武之七十二塚。可曰蠲蛻也。

〔陳群明曰〕仙人不可得學。託之於不憂。當年暮之感。徘徊于心。時過時來微。玩景之悲。造語不近。

度關山

樂府解題曰。魏樂奏武帝辭。言人君常自勤苦。省力黜陟。省刑薄賦也。

天地間。人爲貴。立君牧民。〔一〕爲之軌則。〔二〕車轍馬迹。〔三〕經緯四極。〔四〕

黜陟幽明。〔五〕黎庶繁息。於鑠〔六〕聖賢。總統邦域。封建五爵。〔七〕井田〔八〕

刑獄。有燭〔九〕丹書。〔一〇〕無普赦贖。〔一一〕皋陶甫侯。〔一二〕何有失職。嗟哉後世。改制易律。〔一三〕勞民爲君。役賦其力。舜漆食器。畔者十國。〔一四〕不及唐堯。采椽不斲。〔一五〕世歎伯夷。欲以厲俗。〔一六〕侈惡之大。儉爲共德。〔一七〕許由推讓。〔一八〕豈有訟曲。兼愛尙同。〔一九〕疏者爲戚。〔二〇〕

〔節注〕〔一〕左傳。師曠曰。天生民而立之君。使司牧之。勿使失性。〔二〕史記律書。王者制事立法。物度軌則。壹棄于大律。〔三〕左傳。穆王欲肆其心。周行天下。將皆必有車轍馬迹焉。〔四〕爾雅。東至于泰遠。西至于邠國。南至于濮。北至于祝栗。謂之四極。〔五〕書。三載考績。三考黜陟幽明。〔六〕詩周頌。於鑠王師。遵養時晦。傳。於。歎辭。鏘。美也。〔七〕禮記。王者之制爵祿。公侯伯子男。凡五等。〔八〕穀梁傳。古者三百步爲里。名曰井田。井田者。九百畝。公田居一。〔九〕燭。焚也。〔一〇〕左傳。斐豹。執也。著於丹書。杜注。犯罪沒入官。丹書其罪也。〔一一〕書呂刑。墨辟疑赦。其罰百鍰。則辟疑赦。其罰惟倍。荆辟疑赦。其罰倍差。宮辟疑赦。其罰大百鍰。大辟疑赦。其罰千鍰。案。此呂刑之言贖刑也。堯典。金作贖刑。所謂贖者。鞭扑之刑。若五刑則固未嘗贖也。〔一二〕史記周本紀。甫侯言於王。作修刑辟。即呂刑一篇。呂侯。即甫侯也。禮記孝經。曾作甫刑。書堯典。帝曰。皋陶。汝作士。五刑有服。案。有燭丹書。無普赦贖。謂事焚丹書而贖刑。無使赦贖而及於五刑。其意蓋不足於五刑之贖也。〔一三〕唐六典云。魏文侯師李悝。集諸國刑書。造法經六篇。商鞅傳之。改法爲律。改制易律。蓋謂此也。〔一四〕說苑。由余曰。臣聞堯有天下。飯於土簋。啜於土瓶。其地南至交趾。北幽都。東西至日所出入。莫不賓服。堯釋天下。舜受之。作爲食器。斬木而裁之。鋒銅鑄。修其刃。猶漆黑之以爲器。諸侯修國之不服者十有三。〔一五〕又侯生對始皇曰。堯茅茨不剪。采椽不斲。土階三等。而樂終身者。以其文采之少。而質素之多也。漢書注。師古曰。采。柞也。字作採。本從水。以柞爲椽。實其質素也。〔一六〕孟子。聞伯夷之風者。頑夫廉。懦夫有立志。〔一七〕左傳。先君有共德。而君有大惡。無乃不可乎。〔一八〕史記。堯讓天下於許由。許由不受。恥之逃隱。〔一九〕兼愛尙同。墨子篇名。案。墨子貴儉上賢。此與上數句意實。〔二〇〕孟子。將使卑賤尊。疏賤戚。可不慎與。

〔朱嘉穀曰〕思復盛王之治也。王者有改制。無變道。此其準數。魏祖有立國規模。文帝嗣之。逸豫失德。美樂不終。悲夫。

〔朱乾曰〕度關山。便想到陟方、巡狩、考侯、合農、正刑等事。而歸本於儉。意在簡省與從資糧之費。可謂有志於民事者矣。故能生劉纂雄。幾平海內。史稱操用法峻急。有犯必戮。或對之流涕。終無所赦。而雅性節儉。不好華麗。故於用刑持儉。獨憮憮首之。

〔陳祚明曰〕莽莽有古氣。嗟哉四句。造感慨然。末語便欲籠蓋四海。孟德作用出申商。有播丹書。言非功不顯。舜漆食器一段。舊儉。許由推讓句。不與入訟曲也。一以嚴毅行之。兼愛尚同。正是雖親者亦不假借耳。其造國之大概盡此矣。

薤露

崔豹古今注曰。薤露蒿里。並喪歌也。本出田橫門人。橫自殺。門人傷之。爲作悲歌。言人命奄忽。如薤上之露。易晞滅也。亦謂人死魂魄歸於蒿里。至漢武帝時。李延年分爲二曲。使挽柩者歌之。謂

之挽歌。樂府解題曰。左傳。齊將與吳戰于艾陵。公孫夏命其徒歌虞殯。杜預云。送死薤露歌。即喪歌。不自田橫始也。〔節案〕宋玉對楚王問曰。其爲陽阿薤露。國中悶而和者數百人。則薤露之歌。由來久矣。又案。詩紀詩乘。此篇首句作二十世。惟樂府詩集從宋志作二十二世。樂府正義云。考世系當從宋志。但全詩五舊句。作二十世者。亦舉成數。未爲不可也。

惟漢二十〔補〕二世。〔一〕所任誠不良。〔三〕沐猴而冠帶。〔五〕知小而謀彊。〔四〕猶

豫〔五〕不敢斷。因狩執君王。白虹爲貫日。〔六〕己亦先受殃。賊臣持一作執國柄。

〔七〕殺主滅宇京。蕩覆帝基業。宗廟以燔喪。播越〔八〕西遷移。號泣而且行。〔九〕

瞻彼洛城郭。〔一〇〕微子爲哀傷。〔一一〕

〔節注〕〔一〕前漢高、惠、文、景、武、昭、宣、元、成、哀、平。後漢光武、明、章、和、順、安、順、沖、質、桓、靈。爲二十二世。此篇作於漢獻時。故不數獻帝也。〔二〕左傳。祿勳合親。任良物官。〔三〕史記。人皆楚人沐猴而冠耳。案。毛詩疏。楚人謂獼猴曰沐猴。〔四〕易。德薄而位尊。知小而謀大。〔五〕史記高帝紀。諸呂老人。猶豫未有所決。注。猶豫。二獸名。多疑。故借以爲喻。〔六〕戰國策。唐雎謂秦王曰。彗政刺韓傀。白虹貫日。案。後漢書獻帝

紀。初平元年二月。白虹貫日。〔七〕漢書傳贊。王莽更持國柄。〔八〕左傳。靈輿播越。寢在荆蠻。杜注。播越。遷也。〔九〕且行。徂行也。詩。出其東門。匪我思且。釋文。且音祖。王引之曰。徂通作且。故且亦通作徂。書贊。徂。茲淮夷徐戎並興。徂讀爲且。〔一〇〕詩小雅。瞻彼洛矣。〔一一〕史記。箕子朝周。過故殷虛。感宮室毀壞。生禾黍。箕子傷之。欲哭則不可。欲泣爲其近婦人。乃作麥秀之詩。以歌詠之。其詩曰。麥秀漸漸兮。禾黍油油。彼狡童兮。不與我好兮。所謂狡童者。紂也。案。尙書大傳。以此詩爲微子所作。

〔朱嘉徵曰〕歌惟漢。閔亂也。高帝開基。光武再造。業何壯歟。乃漢焉朝露。公實傷之。

〔朱乾曰〕前言何進猶豫不斷。自貽害也。後言董卓弑逆。宗社丘墟也。後漢書。何進拜大將軍。謀誅宦官。太后不從。進外收大名。不能斷。故召四方豪傑向京城。以脅太后。陳琳諫之。不聽。遂召董卓屯關中。謀誅張讓段珪等。斬進於嘉德殿。袁術燒南宮。欲討宦官。珪等刻少帝陳留王夜出。卓引兵急進。關帝在北邙。因往奉迎。帝見卓。恐怖涕泣。卓與術。不能辭對。與陳留王語。遂及禍亂之事。卓以爲賢。遂廢少帝爲弘農王。立王爲天子。是爲獻帝。并殺太后。卓遷太尉。領前將軍事。關東方兵起。乃始殺弘農王。徙都長安。洛陽數百萬口。步騎騷盛。更相蹂躪。積尸盈路。悉燒宮廟官府。二百里內。無復孑遺。

〔節補注〕〔補〕〔容齋隨筆曰〕二十字爲廿。三十字爲卅。四十字爲卌。皆說文本字。卅音入。二十并也。桂馥曰。秦始皇刻石頌德之辭。皆四字一句。泰山辭曰。皇帝臨位二十有六年。史記所載。五字一句。嘗得泰山辭石本。乃書爲卅有六年。是太史公誤易之。或後人傳寫之訛耳。其實四字句也。惠棟曰。按石經。凡經傳中二十字皆作卅。然則此詩二十二世。當作卅二世也。

蒿里行

蒿里行有樂府古辭。見上篇注。漢書武帝紀。太初元年。禮蒿里。注。伏犧曰。山名。在秦山下。師古曰。此高字自作高下之高。而死人之里。謂之蒿里。或呼爲下里者也。字則爲蓬蒿之蒿。或

者見泰山神靈之府。蒿里山又在其旁。即誤以蒿里爲蒿里。案。玉篇。蒿里。黃泉也。死人之里也。說文。呼毛反。經典爲鮮蓐之字。內則注。蒿。乾也。蓋死則槁乾矣。以蓬蒿字爲蒿里。乃流俗所誤耳。今奉安府城

西南三里有蒿里山。山極小。上有塔。其東北有廟。內供關羅。鄧都。陰曹七十二司等神像。蓋即沿蒿里亦歇之誤。直以蒿里爲蒿里。元和郡縣志曰。蒿里山。在兗州。亦曰蒿里山。郭茂倩樂府集。魏樂所奏。

關東有義士。興兵討羣凶。初期會盟津。〔補二〕乃心〔補三〕在咸陽。軍合力不齊。躊躇而雁行。〔補五〕勢利使人爭。嗣還〔補四〕自相戕。淮南〔補五〕弟稱號。刻璽於北方。〔二〕
〔補六〕鎧甲生蟣蝨。〔三〕萬姓以死亡。白骨露於野。千里無雞鳴。生民百遺〔三〕一。念之斷人腸。

〔聞人俊注〕「一」通鑑。初平元年春。關東州郡皆起兵。以討董卓。推渤海太守袁紹爲盟主。董卓在雒陽。袁紹等諸軍。皆畏其強。莫敢先進。曹操曰。舉義兵以討暴亂。大衆已合。諸君何疑。是時關東州郡。務相兼并。以自強大。袁紹貪術。亦自離貳。術既與紹有隙。各立黨援。以相圖謀。術結公孫瓚。而紹連劉表。表傑多附於紹。術怒曰。羣賢不吾從。而從吾家奴乎。建安二年。術稱帝於壽春。後漢書。術有僧逆之謀。紹孫堅得傳國璽。遂拘堅妻。奪之。〔三〕韓非子。鎧甲不堅者傷乎體。漢書嚴安傳。介胄生蟣蝨。說文。蟣。蟲子。〔三〕詩。周餘黎民。隳有子遺。

〔節補注〕「補一」書太誓。惟四月。太子發上祭於畢。下至於孟津。水經注。河南有鉤陳壘。世傳武王伐紂。八百諸侯所會處。河水至斯曰盟津。通孟古通。今河南孟津縣。〔補二〕書。乃心罔不在王室。案初期會盟津。乃心在咸陽。即沮授說紹所謂迎大駕於長安。復宗廟於洛邑也。〔補三〕戰國策。韓之於秦也。居爲隱蔽。出爲雁行。〔補四〕詞。猶言其繼也。還音旋。漢書注。轉旋。首須臾之間也。〔補五〕漢書地理志。九江郡。秦置。高帝四年。更名淮南國。武帝元狩元年復故。有壽春邑。通鑑。袁術稱帝於壽春。後漢書云。術以九江太守爲淮南尹。蓋又改九江爲淮南。治壽春也。〔補六〕章昭吳書。漢室大亂。天子北詣河上。六監不自歸。掌璽者以投井中。孫堅北討董卓。頓軍城南。使人渡井。得漢國玉璽。故曰北方。

〔朱嘉徵曰〕簡里行歌關東有義士。刺羣雄失策。漢再亂也。

〔鍾惺曰〕漢末實錄。真詩史也。亦道盡羣雄病根。惟玄德伯符。可免成敗。鼎足局自此定。本初、公路、景升輩。落其目中掌中久矣。

「方東樹曰」此首爲袁紹初意本在王室。至軍合不齊。始與孫堅等相爭。而紹弟衛別自異心。雖年以下。極言傷亂之慘。真機雄闊。遠大極矣。此用樂府題。敘漢末時事。所以然者。以所詠喪亡之食。足當晚飲也。蓋露食君。萬里良臣。亦有次第。

對酒

樂府解題曰。對酒歌太平。言王者德澤廣被。政理人和。萬物咸遂也。魏樂所奏。

對酒歌。太平時。吏不呼門。王者賢且明。宰相股肱皆忠良。〔一〕咸禮讓。民無所爭訟。三年耕。有九年儲。〔二〕倉穀滿盈。班白不負戴。〔三〕雨澤如此。百穀用成。〔四〕却走馬以糞〔五〕其土田。爵公侯伯子男。〔六〕咸愛其民。以黜陟幽明。子養有若父與兄。犯禮法。輕重隨其刑。路無拾遺〔七〕之私。囹圄空虛。冬節不斷人。〔八〕耄耄〔九〕皆得以壽終。恩德廣及草木昆蟲。〔一〇〕

〔節注〕〔一〕書。元首明哉。股肱良哉。〔二〕禮記王制。三年耕必有一年食。九年耕必有三年之食。又曰。國無九年之蓄曰不足。〔三〕孟子。班白者不負戴於道路矣。齊。歲月日時無易。百穀用成。〔四〕老子。天下有道。却走馬以糞。王弼注。天下有道。知足知止。無求於外。各修其內而已。故却走馬以治田也。〔五〕孟子。公侯伯子男。凡五等。〔六〕史記。孔子與聞國政。三月遂不拾遺。〔七〕漢書董仲舒傳。至于成康之隆。囹圄空虛。四十餘年。大戴禮曰。季冬聽獄論刑者。所以正法。案。古者季冬論刑。謝承後漢書曰。會稽祿吉爲廷尉。每至冬節。罪囚當斷。垂泣而決其罪。此言囹圄空虛。即冬節論刑之時。亦無罪人可斷也。〔八〕說文。年九十曰耄。年八十曰耄。〔九〕禮記。孟春之月。禁止伐木。毋覆巢。毋殺孩蟲。胎天飛鳥。毋麝毋卵。此所謂恩德廣及草木昆蟲也。

〔朱乾曰〕魏武樂府。好爲有道之言。不言文王周公。便言齊桓晉文。不言唐虞舜。便言許由伯夷。其意不過欲自粉飾爲漢征西張本。留湯武太公爲子玉地耳。其處心積慮。實在於此。劉涓歎太平。得樂民之樂意。不嫌假借。

〔陳祚明曰〕序述太平景象。極盡形容。須知反言之並以哀世也。

〔節補注〕此篇長短句。舊讀爲對酒歌太平一句。則時更不呼門句。時字何解。蓋蓋讀對酒歌一句。太平時一句。更不呼門一句。方叶也。

陌上桑

崔豹古今注。陌上桑者。出秦氏女子。秦氏。邯鄲人。有女名羅敷。爲邑人千乘王仁妻。王仁後爲趙王家令。羅敷出采桑於陌上。趙王登薨。見而悅之。因從欲奪焉。羅敷巧彈等。乃作陌上桑之歌以自明。趙王乃止。樂府解題古辭言羅敷采桑。爲使君所邀。詭誇其夫堪爲侍中郎以拒之。與前說不同。樂府詩集。晉樂所奏。技錄。此曲不載。

駕虹蜺。〔一〕乘赤雲。登彼九疑。〔二〕歷玉門。〔三〕濟天漢。〔四〕至崑崙。〔五〕見

西王母謁東君。〔六〕交赤松。及姜門。〔七〕受要秘道愛精神。食芝英。〔八〕飲醴

泉。〔九〕柱杖桂枝。〔一〇〕佩秋蘭。〔一一〕絕人事。遊渾元。〔一二〕若疾風遊欬飄翻。〔一三〕

一作飄。景〔一四〕未移。行數千。壽如南山。〔一五〕不忘愆。〔一六〕

〔節注〕〔一〕王褒九懷。乘虹騰蜺兮。載雲變化。〔二〕又晉乃越兮南埃。道幽路兮九疑。漢書武帝紀注。九疑山。半在蒼梧。半在零陵。其山九峯。形勢相似。故曰九疑山。〔三〕後漢書班超傳注。玉門關。關在鄯善。金沙州也。去長安三千

千六百里。〔四〕詩。維天有漢。監亦有光。毛傳。漢。天河也。〔五〕離騷。遠香道夫皇兮。馳後遠以周流。〔六〕史記封禪書。晉巫。祠五帝。東君。靈中。司命之屬。注。東君。日也。〔七〕宋玉高唐賦。有方之士。戰門高給。史記封

禪書。宋毋忌。正伯僞。充尚。濮門子高皆燕人。爲方仙道。〔八〕漢書述行。遙望五嶽端。寶金爲關。但見芝草落葉紛紛。〔九〕史記大宛傳。河出崑崙。其高二千五百餘里。上有醴泉瑤池。〔一〇〕楚辭。結桂枝兮延佇。〔一一〕離騷。

短歌行以爲佩。〔一〕班固幽通賦。渾元運物。注。曹大家曰。渾。大也。元氣運轉也。〔二〕說文。歎。有所吹起也。許勿切。音臨。歎。風之疾也。〔三〕景。日光也。〔四〕詩小雅。如南山之壽。〔五〕又大雅。不愆不忘。李由舊章。〔朱嘉徵曰〕陌上桑歌。虹蜺。蜺。宮夜宿歌也。季春之月。虹始見。夏月。天子乃駕赤駟。服赤玉。是月也。陰陽爭。死生分。君子節奢欲。定心氣。以定憂除之所成。夏小正。七月。漢案。月。又迎秋也。愛精神。不忘愆。宜爲房中夏秋之燕曲。

〔陳許明曰〕若疾風遊。上句連下。句法。語亦飄忽。筆古無俟言。

短歌行

崔豹古今注。長歌短歌。言人壽命長短有定分。不可妄求也。樂府解題云。按。古詩。長歌正激烈。魏文帝燕歌行。短歌微吟不能長。晉傅玄。短歌行。唯來長歌。微吟短歌。蓋歌有長短。非言壽命也。魏武帝對酒當歌。人生幾何。言當及時爲樂也。〔節案〕魏武此題二篇。惟對酒當歌一篇有本辭。其意不盡言及時爲樂。觀篇末周公吐哺。天下歸心語。則是與周西伯昌篇意同。

周西伯昌。〔一〕懷此聖德。三分天下。而有其二。〔二〕修奉貢獻。臣節不墜。崇侯讒之。是以拘繫。〔三〕一解。後見赦原。賜之斧鉞。得使征伐。〔四〕爲仲尼所稱。達及德行。猶奉事殷。論敘其美。二解。齊桓之功。爲霸之首。九合諸侯。一匡天下。一匡天下。不以兵車。正而不譎。其德傳稱。〔五〕三解。孔子所歎。并稱夷吾。民受其恩。賜與廟胙。命無下拜。小白不敢爾。天威在顏咫尺。〔六〕四解。晉文亦霸。躬奉天王。受賜珪鬯。鉅鬯彤弓。盧弓矢千。虎賁三百人。〔七〕五解。威服諸侯。師之者尊。八

方聞之。名亞齊桓。河陽之會。詐稱周王。〔八〕是以其名紛葩。〔九〕

六經。

〔節注〕〔一〕史記周本紀。公季卒。子昌立。是爲西伯。孔穎達曰。殷之州長曰伯。謂爲雍州伯也。〔二〕論語。三分天下有其二。以服事殷。周之德。可謂至德也已矣。鄭玄詩譜。紂又命文王典治南國。江漢汝墳之諸侯。於時三分天下有其二。以服事殷。故雍梁荆豫徐揚之人。咸被其德而從之。孔穎達曰。九州而有其六。其餘冀青兗屬紂。是爲三分有其二也。〔三〕史記周本紀。崇侯虎譖西伯於殷紂曰。西伯積善累德。諸侯皆嚮之。將不利於帝。紂乃囚西伯於羑里。〔四〕關天之徒患之。乃求有莘氏美女。鬻戎之文馬。有熊九鸞。他奇怪。因殷嬖臣費仲。而獻之紂。紂大說曰。此一物足以釋西伯。況其多乎。乃赦西伯。賜之弓矢斧鉞。使西伯得專征伐。〔五〕論語。管仲相桓公。霸諸侯。一匡天下。民到於今受其賜。馬融曰。匡。正也。鄭玄曰。霸者。把也。把持王者之政教。故其字或作伯。或作霸也。論語曰。桓公九合諸侯。不以兵車。管仲之力也。又子曰。晉文公驕而不正。齊桓公正而不驕。馬融曰。伐楚以公義。責桓公之實不入。問昭王南征不還。是正而不驕也。〔六〕史記。管仲夷吾者。颶上人也。左傳。僖公九年。王使宰孔賜齊侯昨曰。天子有事于文武。使孔賜伯舅昨。齊侯將下拜。孔曰。且有後命。天子使孔曰。以伯舅耄老。加勢。賜一級。無下拜。對曰。天威不遠顔咫尺。小白。余敢貪天子之命。無下拜。恐隕越于下。遣天子羞。敢不下拜。下拜受。〔七〕史記晉世家。五月丁未。獻楚俘於周。願介百乘。徒兵千。天子使王子虎命晉侯爲伯。賜大幣。彤弓矢百。玁弓矢千。桓公一占。珪瓊。虎賁三百人。晉侯三辭。然後稽首受之。左傳杜注。彤。赤弓。玁。黑弓。玁首盧。桓。黑裘。也。香酒。所以降神。占。器名。孔穎達曰。國語。天子有虎賁。習武訓。〔八〕左傳。僖公二十八年冬。會于渚。是會也。晉侯召王。以諸侯見。且使王狩。仲尼曰。以臣召君。不可以訓。故書曰。天王狩于河陽。言非其地也。且明德也。孔穎達曰。晉侯命王假稱出狩。若王自出狩。諸侯因會過王。遂共朝王。此所謂詐稱周王也。〔九〕馬融長笛賦。紛葩爛漫。李善注。紛葩。盛多貌。〔節案〕魏志裴注。引建安十五年十二月魏武令曰。齊桓晉文。所以垂稱至今者。以其兵勢廣大。猶能奉事周室也。論語云。三分天下有其二。以服事殷。周之德。其可謂至德矣。夫能以大事小者也。又曰。願我萬年之後。欲令傳道我心。使他人皆知之。孤此言。皆肝膈之要也。又十八年。策命爲魏公。昭曰。君秉國之鈞。正色處中。繼毫之惡。顯不抑退。是用錫君虎賁之士三百人。君龍體虎視。旁眺八維。掩逆節。折衝四海。是用錫君彤弓一。彤矢百。玁弓十。玁矢千。君以溫恭爲基。孝友爲德。明允篤誠。於朕思。是用錫君桓公一占。圭瓊副焉。以魏志證之。然則此篇所由作也。紛葩。紛葩也。龍體。以朕思。是用錫君桓公。〔朱嘉徵曰〕短歌行歌周西伯。述王樂之本也。窺竊神器之心。終已不諱。誠建安之桓文也。